

還源篇序

秦素慕真宗遍遊勝境參傳正法願以濟世爲心專一存三尤以養生爲重蓋謂學仙甚易而人自難脫塵不難而人未易深可哀哉古云迷雲鎖慧月業風吹定海昔年於驛中遇先師紫陽張真人以簡易之語不過半句其證驗之効只在片時知仙之可學私自生歡喜及其金液交結聖胎圓成泰故作還源篇八十一章五言四句以授晚學早悟真詮莫待老來鉛汞少急須猛省尋師訪道修煉金丹同證仙階變化飛昇實所願望焉杏林石泰得之序

道藏輯要

還源篇序

奎集四